

Kekalkan persefahaman lebih erat, keharmonian beragama - PM

Oleh Luqman Arif Abdul Karim - April 14, 2022 @ 1:14pm

luqman.arif@bh.com.my



Foto ihsan Facebook Datuk Seri Ismail Sabri Yaakob

KUALA LUMPUR: Datuk Seri Ismail Sabri Yaakob berkata, persefahaman yang lebih erat dan keharmonian beragama harus dikekalkan dalam kalangan Keluarga Malaysia.

Malah, Perdana Menteri menegaskan yang paling penting ialah menghormati antara satu sama lain, yang menjadi tunjang kepada konsep Keluarga Malaysia.

Beliau sekali gus percaya sambutan Tahun Baharu Tamil atas dasar Keluarga Malaysia, bakal mengeratkan lagi hubungan antara etnik di negara ini.

"Selamat menyambut Tahun Baharu Tamil (Chithirai Puthandu) kepada masyarakat Tamil dan Vaisakhi untuk masyarakat Sikh yang menyambutnya, hari ini.

"Semoga masyarakat Tamil dan Sikh khasnya serta seluruh Keluarga Malaysia amnya, terus berada dalam keadaan sihat sejahtera sepanjang masa.

"Hari ini juga adalah masa untuk meraikan permulaan baharu bagi meraih kemakmuran," katanya dalam kenyataan melalui Facebook beliau, hari ini, sambil menggunakan tanda pagar #KeluargaMalaysia.